



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1702. usque ad annum 1708

**Fleury, Claude**

**August. Vind. [u.a.], 1781**

**VD18 13322648**

§. 81. Stanislaus in Poloniæ Regem inauguratus.

---

[urn:nbn:de:hbz:466:1-67633](https://nbn-resolving.org/urn:nbn:de:hbz:466:1-67633)

lanensem irrumpere festinabant: Jam enim Eugenius Princeps trajecta Abdua Sabaudo opem ferre paratus, cum Gallis ad Cassanum prælium iniit, victoriam tamen utrinque cæsis quam plurimis uterque exercitus sibi arrogavit, Carolus vero Hispaniæ Rex destructa Gallorum classe cum Lusitanico exercitu Albam, Sanasium, Valentiam Alcantaræ, & Albuquerqueium necnon Barcinonem deditione cepit, ab obsidione tamen Pacis-Augusti a Tesleo Hispaniæ Marefcallo repulsus est.

Sæc. XVII.  
A. C. 1705.

§. LXXXI.

*Stanislaus in Polonorum Regem coronatus.*

Postquam Sueciæ Rex die vigesima sexta Julii Polonos, Moscos, & Saxones, Mitavii, & ultima ejusdem Mensis prope Varsoviam ingenti clade protriverat, Stanislaus Lescinsky hostium suorum metu solutus, Regni diadema sibi suæque uxori Catharinæ imponi procurabat: Hanc in rem Cardinalis Radieswius Poloniæ Primas ad diem quartam Octobris Regni comitia indixit, ut exauctorato Augusto Rege Stanislai a foederatis electi inauguratio perficeretur. Ea res Pontificis animum intimo percussit dolore; quocirca

Cardi-

Hode Hist.  
de Louis  
XIV. l. 57.  
Theatr. Eu-  
rop. t. 17.



Sæc. XVII.  
A. C. 1705

Cardinali diras, dignitatis abrogationem, atque Ecclesiasticorum omnium Beneficiorum & proventuum jacturam comminatus est, si ab Augusti Regis partibus discederet. Pariter singulis Regni Episcopis sub iisdem pœnis inhibuit, ne Regis coronationi interessent. Verum Cardinalis sollicitè omnes eos, per quos Pontificis literas sibi tradi timebat, a suo colloquio exclusit. Papam tamen palam offendere veritus, Varsaviam ad comitia, etsi sæpe vocatus, venire renuit, ac propterea Sveciæ Rex ejus bona a militibus occupari iussit, quin tamen Cardinalis, ut comitiis assisteret, persuaderi posset, dicens: *parum refert, an Suecus vel alii me bonis meis spolient*: nihilominus datis ad comitia literis pollicitus est, se omnia ibidem decernenda rata habiturum, dummodo coronatio non precipitaretur, ipse tamen Stanislai electionem ubique in Regno promulgabat, edito desuper proclamato, in quo hujus inaugurationem etiam Borussicæ Regi gratam ratamque esse, perperam affirmabat, quapropter Prussus non modo Cardinalem acriter reprehendit, sed insuper sub pœna calumniatoribus statuta omnes libellos infames contra Moscoviæ Ducem sparsos legi, aut retineri inhibuit. Quamprimum Pontifex  
Cardi-



Cardinalis simulationem compererat, Sæc. XVII,  
 mox die decima Junii ad eundem lite- A. C. 1705.  
 ras dedit, in quibus eum sua dignitate  
 & proventibus exuit, eo quod sua aucto-  
 ritate abusus, & sui officii oblitus, le-  
 gitimi Regis Majestatem violasset, ac  
 non sine dedecore Ecclesiastici Status  
 tot Pontificis monita sprevisset, accer-  
 sitisque hæreticis copiis totum Regnum  
 dissidiis involvisset; tandem eum hor-  
 tabatur, ut intrusi Regis coronationi  
 obsisteret, secus cunctis per Canones  
 Apostolicos statutis pœnis aliisque coer-  
 cendus &c. Insuper omnem Clerum  
 Polonum Stanislao adhærentem, aut  
 quovis modo faventem diris devovit.  
 Hæc Pontificis severitas præpedire  
 haud poterat, quominus Stanislai  
 fautores habito conventu Augusti  
 exauctorationem, & Stanislai electio-  
 nem ratam haberent, seque a  
 priori juramento absolutos rati fi-  
 dem suam novo Regi obstringerent,  
 cunctaque contra eum a Sendomiriensi  
 conventu acta tanquam irrita declara-  
 rent: Huic decreto Episcopi, Pontificis  
 indignationem veriti, subscribere ter-  
 giversabantur, a ceteris tamen ani-  
 mati, demum suis quoque suffragiis ac-  
 cessere; non deerant etiam, qui in Epi-  
 scoporum defensionem scriptum, quod  
 Vidua Poloniæ Regina Pontifici trade-  
 ret,

*Hist. Eccles. Tom. LXVII.*

T ret,



Sæc. XVII. ret, in vulgus spargerent, in quo Por-  
 A.C. 1705. tificis auctoritatem, ejusque super pro-  
 fanas causas inspectionem acribus, mi-  
 nusque moderatis verbis non modo mi-  
 nuere, sed penitus infringere, ac ne-  
 gare viderentur, quæ tamen scripta  
 postea die quinta Februarii anno se-  
 quenti Augustus Poloniæ Rex per ca-  
 nificem flammis addixit. Tandem præ-  
 valente seditiosorum factione foederati  
 Suecorum armis protecti, Stanislaum  
 per Leopoltanum Archiepiscopum Var-  
 saviae die quarta Octobris coronari cu-  
 rarunt: Paulopost Sueciæ Rex, quo  
 pretio coronam Stanislao vendidisset,  
 manifestabat, inter alias foederis con-  
 ditiones postulans, ut Sectariis, quos  
*dissidentes* vocant, liberum sectæ exer-  
 citium, & Varaviae Templum & Schola  
 concederetur: Huic petito non modo  
 Ecclesiastici, sed ipse etiam Stanislaus  
 Rex tam strenue obstitit, ut potius dia-  
 dema deponere, quam hæc pacta in  
 Ecclesiæ Orthodoxæ præjudicium fir-  
 mare vellet: assentire tamen coactus  
 est, ut hæretici in consuetis locis sue  
 sectæ sacris vacare, suosque liberos in  
 eadem educare possent, quamdiu tran-  
 quille vivere deprehenderentur: In hoc  
 hoc pacto foederati Papam datis literis  
 de Stanislai coronatione certiores red-  
 didere, postulantes, ut nominationes



ad beneficia ab Augusto Saxoniae Electore factas deinceps minime admitteret. Sæc. XVII. A. C. 1705.  
 Econtrario Augustus Poloniarum Rex Dresdam delatus, Tikoezimo cum Moscoviarum Duce novum foedus sancivit, vi-  
 cujus hic copiarum auriq[ue] subsidia Polono largiter pollicitus, Religionis Catholicæ exercitium in Moscovia, & Capuccinorum Conventum erigi indul-  
 dit.

§. LXXXII.

*Leopoldi I. Cæsaris obitus.*

Funestissimus fluxerat hic annus Do-  
 mui Austriacæ, totique Imperio Wagner Hist. Leop. l. 18. p. 789. Hode Hist. Lud. XIV. lib. 57. Mem. Hist. & Chron. Thoyras cont. Hist. d'Ang. t. 12. pag. 38.  
 morte Leopoldi Imperatoris. Hic jam  
 anno priori adversa usus valetudine, die  
 decima septima Aprilis hoc anno plena  
 virium dejectione correptus est, cum-  
 que medicamentis nil profici, viresque  
 velut in horas fugere sentiret, Josepho  
 Filio suo supremam rerum administra-  
 tionem commendavit, Imperatrici vero  
 Eleonoræ ultimum valedixit. Postre-  
 mis hisce officiis defunctus, ne sibi-  
 metipsi, neve salutis suæ rationibus  
 deesset, expiatis a prima juventute con-  
 scientiæ maculis, die prima Maji Sacro  
 Viatico & unctione ad luctam supre-  
 mam munitus est, postea solitas Ec-  
 clesiæ